

「國家社會科學基金重大項目」

何建明 主編

中國地方志
佛道教文獻匯纂

人物卷

(88)

國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂
人物卷
(88)



國家圖書館出版社

中國地方志佛道教文獻匯纂·人物卷
河南省 開封市

祥符縣志

清·張俊哲修 張壯行 馬士鷺纂
清順治十八年（一六六一）刻本

祥符縣志卷之五

人物

仙釋

二氏惑世久矣學孔孟者闢焉至欲並其名而黜之則亦有弗能者明太祖有云其佛仙之靈暗助王綱出世之學亦入世者所不廢也祥邑雖無名

山幽澗足以棲寄真人然而大乘法門上昇異品
亦有接踵而起者矣是安可以泯沒哉作仙釋志
宋

張拱汴人舉進士不第賣藥宜春門忽有道士抵
其肆授以枣七枚食之自是踰二年瘦矢俱絕
神氣明爽日可行數百里後遊名山不知所終
郭上竈不知何許人天禧中以傭淪湯滌器汴州
僑茶肆中一日遇呂岩隨去天聖末如磁州謁
趙長官曰大數垂盡願施一小棺乞於棺首穿
一穴插通節竹於穴中以通氣明日汲水浣身

臥槐下遂絕趙異之依其言塋于河岸是秋水漲趙往視之獲棺無尸

張九哥慶曆中居汴京雖盛冬單衣流汗浹面燕王竒之嘗召見與之酒歲餘見王曰將遠游故來別有小技欲以說王乃索黃羅疊剪爲蜂蝶並剪飛去知其數少頃呼之蜂蝶皆來復爲羅王曰吾壽幾何曰與開寶寺浮圖齊後浮圖災王亦薨

侯先生不知何許人慶曆間賣藥京師年四十餘無鬢眉瘤贅隱起徧肌體常半醉直與丐者同

處有馬元者盛夏隨之出閭闔門浴池中元因就視乃一蝦蟆元遽引退浴出着衣元乃前揖之侯笑曰子見我乎乃召元飲酒肆中出藥一粒曰服之令子壽百歲此後不復見

文通慧姓張氏名文通人服於雲寺師令掌廁盥盆有市鮮者沃於盆文偶擊之仆地死文懼奔華州總持寺久之爲長老忽曰三十年前一叟公案今日當了衆問其故曰日午當自知之遂臥以待張浚統兵至因一卒持弓矢至睜目視文窮射之文笑曰老僧候久矣卒曰一

見卽欲相害不知何訾文語以故卒悟曰冤冤
相報何時了劫劫相纏豈偶然不如與師俱解
釋如今立地往西天視之已立化矣文通慧卽
索筆書偈云三十三年飄蕩做了幾番模樣誰
知今日相逢却是前生魔障書畢泊然而化

劉從善別號浩然子西洛人幼明敏雅好玄學大
中祥符中師王太和於京師建隆觀五年試業
爲道士天聖初以乾元節賜紫二年六月承旨
玄景靈官侍宸三年八月降旨選精明經教勤
慎焚修之士從善首與選賜正一法服冠履翻

佩上諭以先帝忌辰令神御前咒食持誦乃緝輯三洞經偈頌以薦仙駕尋進咒食文上嘉之賜號全素大師仍以其文頒諸宮觀而咒食之文自從善始至和二年乙未正月仁宗不豫召從善於大慶殿設醮奏章命執政代拜至夜伏奏章帝忽瞋目已數刻中外驚讐而從善良久方起曰章已達上帝有勅令聖回矣俄而帝甦聖體遂康從善累遷右街副錄服氣鍊形益勤後至熙寧三年七月二十八日沐浴而化年八十有一後有客見從善白馬入蜀託寄聲其焉

子蓋尸解云

志言本姓許氏自壽春來居東京景德寺爲人卜
休咎書紙揮翰甚疾字体遒勁初不可曉後多
驗有具齋薦繪者則并食之臨流而吐化小鮮
群泳而去海客遇風且沒見僧操繩引舫而濟
客至都下志言謂客曰非我汝奈何客猶記其
貌真引舟者也後卒仁宗以真身塑像置寺中
榜曰顯化禪師

明

張三丰遼東人或云寶鷄人洪武初寓汴延慶觀

時大理卿王宇爲見時三丰過其里而異之曰
此兒他日必貴顯後果如其言天順二年羽化
於成都鶴鳴山詔封通微顯化真人

勝安號古峯俗姓周幼禮彌陀寺戒律精嚴道行
純潔嘗開講大乘諸經五十餘會修葺招提四
十餘所永樂中移居祐國寺一時緇黃之士從
者雲集後以疾而逝停龕三日幾烟環繞闌維
之得舍利凝聚五色精如珠觀者異之

許氏子居古平陽靈雲家宰讚同宗也逸其名性
好飲酒自奉甚簡於市井不取獄廟廊廡一

夕見二鬼掃地云八仙來拜俄而仙至如畫中
像嶽神盛飾出迎許氏子牽湘子衣湘子與書
一卷後歸家晝出宿入擁呼如王者像父恠之
且恐禍及用醇酒醉之以石擊死殮而塋棺出
門漸輕開視之止存敝笥戴氈帽覆白衣尸無
存矣

雲居城北五里天王寺遊僧也周定王出獵僧坐
不起王怒以鞭撻其面火出王異之歸設席差
官往請僧云少候洗面卽行頃謂官曰爲我謝
王我已赴席來矣官不信僧袖出一蒸食爲驗

官報王王視之果應中物丹往召莫知所向因
捐金廣其所居梵宇

中國地方志佛道教文獻匯纂·人物卷

河南省 開封市

祥符縣志

清·魯曾煜修 張淑載纂

清乾隆四年（一七三九）刻本

釋道

釋家

宋

文通慧祥符人姓張氏名文脫俗白雲寺師令
廁盥盆有市鮮者沃於盆文偶擊之仆地死文
懼奔華州總持寺久之爲長老忽曰三十年前
一段公案今日當了衆問其故曰日午當自知
之遂趺坐以待時張浚統兵至關中一卒持弓
矢至法堂瞠目視文將射之文笑曰老僧相候

久矣卒曰一見卽欲相害不知何讐文語以故
卒悟曰冤冤相報何時了劫劫相纏豈偶然不
若與師俱解釋如今立地往西天視之已立化
矣文卽索筆書偈云三十三年飄蕩做了幾番
模樣誰知今日相逢却是在前魔障書畢相然
而化

志言本姓許氏自壽春來居東京景德寺爲人卜
休咎書紙揮翰甚疾字體遒勁初不可曉後多
驗有具齋薦鱸者食之臨流而吐化小鮮羣泳

原志殘缺